

**THU AWMTE**

1. Editorial .....	2
2. Pathian Pathianna .....	3
3. Rawngbawlna Report .....	9
4. Mission rawngbawlna .....	15
5. Mission chungchang zirna .....	17
6. Fellowship — Thalai Report .....	23
7. Zawhna leh Chhanna .....	25
8. Hriat hlawh dan awlsam .....	28
9. Kohhran sum .....	30
10. Shofar .....	32

**MAY THLA CHANG VAWN:**

*Pentikost ni a lo thlenin, an zain hmun khatah an awm khâwm vek a. Tin, thâwklehkhatan vâna ata ri, thlipui tleh angin a lo thleng ta phut a. Tin, chu chuan an thutna in chu a tikhat ta vek a, tin, leite, amaha insem darhin, mei angin an hnênah a lo inlâr ta a. Tin, an chungah a chuang theuh va, an zain Thlarau Thianghlimin an khat ta vek a, Thalarauvin a thawngtir ang zelin thawng dangin an lo thawng ta a. Tirhkohte Thiltih 2: 1-3*



## Editorial

*Mizoram Church of God (Seventh Day) chuan kum 56 hmel a lo hmu ve ta reng mai. Kohhran din tirh atangin Pathian thu inhrilh tawn n<sup>^</sup>n leh thu inhlan chhawn n<sup>^</sup>n mite tih angin Chanchinbu pawh a lo kalpui ve reng thin.*

*Kohhran Chanchinbu ang hiala kan lo neih, a hming leh kohhran kan lo sawi zawm fo thin chu mimal thahnemngaiin kohhran a hman hawhtir a lo ni zawk a. Hun rei tak chh<sup><</sup>ng kohhran an lo hmantir phal avangin an thilphalna a lawmawm a, ropui kan ti. Tunah erawh mimalin enkawl an duh ve t<sup>^</sup>k avangin kohhran t<sup>^</sup>n hman a rem tak loh avangin kohhran chuan chanchinbu dang, a thar ngaihtuah a lo ngai ta a. Mizoram Conference Executive Committee chuan Kohhranin Chanchinbu neih ve ngei tha a tih avangin hma la turin Literature & Publica-*

*tion Board kutah a dah ta a. Chu Board chuan Kohhran Chanchinbu tur buaipui turin Editorial Board a din a, Mizoram Conference hruaitute pawmpuina a hmuh hnuah hma lak chho a ni ta a ni.*

*Editorial Board chuan theihtawp chhuahin hma a la a, Chanchinbu hming tur pawh uluk taka ngaihtuahin tha ber tura a ngaih thlang chhuakin, Church of God (Seventh Day) Mizoram Conference Chanchinbu hming atan "SHOFAR" tih a thlang ta a ni.*

*Hmalakna kal chho zelin Pathian ram zau zel n<sup>^</sup>n leh Kohhran t<sup>^</sup>n hmanraw tangkai tak a nih theih n<sup>^</sup>n Pathian hnena hlan a nih hnuah a chhuah khatna chu May, 2023-ah tihchhuah a ni ve ta. Chanchinbu enkawl thang lem lote enkawl a nih dawn avangin duhthu a sam lo maithei; chuvangin, chanchinbu thatna tura thurawn leh fuihna dawng turin Board member-te kan inhawng reng e.*

## PATHIAN PATHIANNA

Pastor HC Zosanga



TRINITY: Trinity Thurin AD 325 kumah Nicea Khawmpui an neihah pawm a lo ni a. Lal Yeshua leh a Zirtirte awm tawh loh hnuah he zirtirna hi a lo chhuak chauh a ni. He zirtirnaah hi chuan Pa leh Fapa leh Thalrau Thianglim chu pum khat an ni a, an nihna pawh a intluk tlang vek tiin, lak hran theih pawh an ni lo tih hi an pawm dan chu a ni.

Johana 14:28-ah chuan, “*Ka kal bo dawn a, in hnenah ka lo kal leh ang, ka tihzia che u kha in hre tawh e. Nangnin mi hman-gaih ni ulang Pa hnena ka kal dawn avangin in lawm tur a ni; pa chu keimah aiin a ropui zawk si a.*” Amah Lal Yeshua ngeiin Pa chu keimah aiin a ropui zawk a tih avangin an intluk tlang lo tih chu a chang hle a ni.

Oneness of God zirtirna a lo chhuak leh a, chu chu Sabelias-a zirtirna a ni. Sabelias-a hi Ad 300 hun lai vela mi tho a ni a. Pathian chu pakhat a ni a, Pa hunah Pa-in a inhriattir a, Fapa hunah Fapa-in a inhriattir a, amah vek kha a chang kual mai a ni an ti.

Pathian chu hmuh theih loh Pathian a ni a, Exodus 33:18-20 “*Tin, ani chuan, “I ropuina chu khawngaih takin mi han entir teh,*”

*a ti a. Tin, ani chuan, “Ka thatna zawng zawng chu i hmaah ka lantir ang a, LALPA hming chu i hmaah ka puang zel ang; tichuan ka khawngaih apiang chu ka khawngaih ang a, zah ka ngaihna chung apiangah chuan zah ka ngai ang,” a ti a. Tin, ani chuan, “Ka hmel zawng i hmu thei lo vang: mi hmua nung reng thei tu mah reng reng an awm si lo va,” a ti a.*

“*Tu man eng lai mahin Pathian an hmu lo, a Fapa mal neih, Pa ang-chhunga awm ngei kh^n a chanchin a hril tawh a ni.*” Joh. 1:18.

“*Lalber chatuana awm, chhe thei lo, hmuh theih loh, Pathian taka chauh chu chatuana chawimawi leh ropuiin awm rawh se. Amen.*” I Tim. 1:17

“*Amah chauh chuan thih theih lohna a nei a, hnaih theih rual loh >ngah chuan a awm a, amah chu*

*tu mabin an hmu ngai lo va, hmuh pawh an hmu thei hek lo;*” I Tim. 6:16

*ni,’ ka tih avangin, ‘Pathian i sawichhia,’ in ti a ni maw?”* Joh. 10:36

Chuvangin Pa Pathian hi chu a ropui em avangin he tisa mit hi chuan a hmu thei lova, ‘mi hmua nung reng thei tu mah an awm lo,’ a ti a ni. Fapa chu hmuh theih a ni.

*“Tin, Jakoba chu amah chaubvin a awm ta a; tin, mi pakhatin ani chu khawfing chah thlengin a buan a buan a. Tin, a hneh lo tih a inhriatin a malpui ruh chuktuahah chuan a khawihsak a, tichuan a buan lai chuan Jakoba malpui ruh chuktuah chu a lo pelhsawlh ta a. Tin, ani chuan, “Mi thlah rawh, khawfing pawh a chah dâwn tawh hi,” a ti a. Tin, ani chuan, “Mal mi sâwm loh chuan ka thlah lo vang che,” a ti a. Tin, ani chuan a hnênah, “I hming eng nge ni?” a ti a. Tin, ani chuan, “Jakoba,” a ti a. Tin, ani chuan i hming chu Jakoba an ti tawh lo vang a, Israela an ti zâwk tawh ang; Pathian leh mihring i bei a, i hneh tawh si a,” a ti a. Gen. 32:24-28*

Lal Yeshua chu Pathian leh mihring nihna nei kawp a ni.

*“Pa-in a ruat a, khawvela a tirba chungah bian, ‘Pathian Fapa ka*

Lal Yeshua chuan mihring a nihnaah chuan, *“Mihring fapa hi Chawlbni Lal a ni si a,”* a ti a. Pathian Fapa tih leh Mihring Fapa tih hi Bible-ah hian a tam khawp mai, hei hi duhtawk mai ila, Jakoba’n Jabok lui kama a buan pawh khan, “Pathian leh mihring i bei a i hneh tawh si a,” a ti a. Heta Jakobon a buan hi Pathian Fapa a ni tih a chiang a ni.

Genesis 1:1-ah, *“Atîrin Pathianin lei leh vân a siam a,”* a ti a. Heta Pathianin a tih hi Hebraiah chuan ELOHIM tih a hmang a, chu chu plural, pakhat aia tam sawina a ni. Pa leh Fapa sawi kawpna a ni.

Fapa chu a ropuina hmel hmuh theih a ni, *“Tin, ni ruk achinah chuan Yeshuan Petera te, Jakoba te, a unau Johana te a hruai a, a hrangin tlang sang takah a kal chhohpui a; an hmaah chuan a hmel awmzia chu a lo danglam ta a; a hmai ni angin a lo eng a, a silhfente chu eng angin a lo var ta a. Tin, ngai teh, Mosia leh Elija chu amah nen inbiain an hnenah an inlar a. Tin, Peteran Yeshua a bia a, “Lalpa, kan t^n heta awm*

*hi a tha; i dub chuan betah hian b<sup>^</sup>wkte pathum ka khawh ang; i t<sup>^</sup>n pakhat, Mosia t<sup>^</sup>n pakhat, Elija t<sup>^</sup>n pakhat,” a ti a. Fapa chu a ropuina hmel hmuh theih a ni a. Petera ten nuam an ti a, an kham lo a, b<sup>^</sup>wkte khawha la awm an ch<sup>^</sup>k hle z<sup>^</sup>wk a nih hi. Matthaia 17:1-4*

*“Kei Jehova (YAHWEH) ka ni a, Aigupta-hote phurrit lak ata hi ka hruai chhuak ang che u a, an b<sup>^</sup>wiha in awm hi ka chhuabt<sup>^</sup>r ang che u; tin, nasa taka ngaihtuah che uin b<sup>^</sup>n phar meubvin ka tlan ang che u.” Exodus 6:6. Heta b<sup>^</sup>n phar a tih hi Lal Yeshua cross-a an khenbeh b<sup>^</sup>n phar kha a ni thenkhatin an ti a, a ni lo. Mosia Tuipui sen chung a b<sup>^</sup>n phar ang kha a ni zawk a, English-ah chuan arm (singular) ban pakhat chauh phar sawina a ni.*

*“Pathian pakhat chauh a awm a, Pathian leh mihring inkara Palai pakhat chauh a awm bawk a, amah chu mihring a ni, Messia Yeshua, mi zawng zawng tlan n<sup>^</sup>na inpea chu.” Pathian leh Mihring ink<sup>^</sup>ra palai a ni. Pa Pathian a awm a, Fapa pawh a awm a, Pathian leh mihring ink<sup>^</sup>ra palai hna thawktu a ni tih a Chiang hle a ni. I Tim. 2:5,6*

*Tirhkohte 9:20 - “Inkhawmna*

*inahte chuan Yeshua chu Pathian Fapa a nihzia thu a tlangaupui ta nghal a.” Paula chu a piangthar a, Yeshua chu Pathian Fapa a nihzia thu a tlangaupui thin a; tute emaw chuan an tlangaupui thei reng reng lo mai.*

*Tirhkohte 7:54-56 - Tin, ch<sup>^</sup>ng thu chu an briatin an thin a khei ta a, Stephana chungah chuan an ha an thial a. Nimahsela, ani chu Thlarau Thianghlina khat a ni a, van lam a en tlat a, Pathian ropuizia leh Pathian ding lama Yeshua ding a hmu a; “Ngai teh u, van inhawngte ka hmu a, Pathian ding lama Mihring Fapa ding pawh ka hmu,” a ti a. Hetah pawh hian Stephana lunga an den lai hian amah dengtute en lovin Van lam a en tlat a. Stephana chu Thlarau Thianghlina khat a ni a. Pathian ding lama Yeshua ding a hmu a a tih hi, a hmu lo vang, min an tih chuan Pathian thutak dodalna a ni ang.*

*I Johana 2:1 - “Tu pawhin thil a tihual chuan Pa hnena mi sawipuitu, Yeshua Messia mi fel chu kan nei e;” Amah Lal Yeshua chauh ni se, tu hnenah nge min sawipui tawh ang.*

*I Kor. 15:24-28 - Chu mi hnuah chuan a t<sup>^</sup>wp chu a lo la*

*thleng ang; chu mi hnuah chuan rorelna zawng zawngte leh, thuneihna leh thiltihtheihna zawng zawngte a tihbo hnuah, Pathian hnenah, Pa hnen ngeiah chuan ram chu a pe ang; a hmelma zawng zawng a ke hnuaia a dah hma loh chuan ani chu lalah a awm tur reng a ni si a. Hmelma hnubnung ber tihbova awm tur chu thihna hi a ni. "Ani chuan a ke hnuaiah engkim a dah si a," nimabsela, "A hnuaiah engkim dahin a awm," a tih bian, a hnuaia engkim dahtu chu a tel ve lo tih a lang reng a ni. Tin, a hnuaia engkim dahin a awm hun chuan Fapa ngei pawh chu a hnuaia engkim dahtu hnuaiah chuan dahin a awm bawh ang, Pathian chu engkima engkim a nih theihna turin.*

Kum sang rorèlnaah chuan Lal Yeshuan ro a rél ang a, a hmelma zawng zawng Setana pawh a hneh ang a, kum sang rorèl zawhah chatuan Lalram chu Pa Pathian hnenah a hlan tawh ang a, chutih hunah chuan Lal Yeshua ngei pawh Pa Pathian hnuaiah a awm tawh dawn a ti a nih hi!

Johana 14:9,10 – *Yeshuan a hnenah, "Philip, hei leh chen hi in hnenah ka awm a, chuti pawhin mi bre lo maw? Tupawh mi hmu*

*chu Pa hmu a ni. 'Pa chu keini min hmuhtir rawh,' eng ti tih i ti nge ni? Kei Paa ka awm leh Pa keimahah a awm tih i awih lo vem ni? In hnena thu ka sawi hi keima phuahchawpin ka sawi lo; Pa keimahah a awm reng a, thil a ti zawk thin a ni.*

Helaiah hian Lal Yeshuan, tu pawh mi hmu chu Pa hmu a ni a tih avangin amah Lal Yeshua chu Pa a ni, thenkhatin an ti a, Lal Yeshua hian Pa ka ni a ti reng reng lo.

II Kor. 4:4-ah chuan Messia Pathian anpui, a ropuizia chanchin tha eng chuan anmahni a chhun èn thei lohna turin chungahte chuan he khawvel Pathian hian ring lote rilru a tidel ta a. Yeshua chu Pathian anpui a nih avangin Pa Pathian chu he tisa mit hian a hmu thei lo, mi hmua nung reng thei tu mah reng reng an awm lo a tih avangin Fapa Yeshua an hmuh khan an t<sup>n</sup> a tawh a ni. Helai thu hi chu Johana 14:1-14 thlengin chhiar ila a chiang. Lal Yeshua khan a pa hnenah a kal tur thu te a sawi a nih hi.

Tirhkohte 5:30-32 *Nangnin Yeshua thingah khai kangin in tihblum kha, min thlahtute*

*Pathianin a kai tho leh ta a ni. Amah ngei kha Pathianin Lalah leh Chhandamtua awm atan a ding lamah a chawimawi ta a, Israelte sual simtir tur leh ngaidam turin. Chung thu chu a bretute kan nih hi; Thlarau Thianghlim, Pathianin a thu zawm apiangte bnena a pèk kha, a bretu a ni ve bawk a,” an ti a, an chhang a.*

Helai thu pawh hi Yeshua chu Pathianin a kaitho a, a ding lamah a chawimawi tih hi a theih loh an tih chuan Apostolte leh Thlrau Thianghlim dodalna nasa tak a ni ang.

I Johana. 2:22,23 *Yeshua chu Messia a ni tih awih lotu aliama dawthei tunge awm? Messia dodaltu chu Pa leh Fapa awih lotu hi a ni. Tupawh Fapa awih lo chuan Pa pawh a pawm chuang lo; Fapa awihthu erawh chuan Pa pawh a pawm a ni.*

Helaiiah hian Messia dodaltu chu Pa leh Fapa awih lotu hi a ni a tih avangin Messia dodaltu pawlian takah a awm theih dawn tlat mai.

Matthaia 24:36-ah chuan, *“Nimahsela, chu mi ni leh a hun thu chu Pa chauh lo chuan tu màn, vana vantirhkohte pawhin,*

*Fapa pawhin an hre lo.”* Lal Yeshua a lo kal hun tur amah pawhin a hre lova, Vantirhkohte pawhin an hre lo, Pa chauh a hria tih a nih hi.

Yeshua chu Pathian mi tirh a ni. Johana 17:3 “Hei hi chatuana nunna a ni, nang Pathian tak chauh leh I tirh Isua Krista hriat hi.”

Helai lehlin kim lo lai hi thenkhat chuan an tanchhan duh khawp mai, Tita 2:13 – *“Beiseina lawmawm – kan Pathian ropui tak **leh** Chhandamtu Yeshua Messia ropuina inlarna chu – nghakin, Pathian ngaihsak lohna leh khawvel chaknate bansanin, tun lai khawvelah hian insum leh fel tak leh Pathian ngaihsakin kan awm tur a ni tih min zirtir a.”*

Kan Pathian ropui tak Chhandamtu Yeshua Messia a ti a. Yeshua hi Pathian ropui tak chu a ni an ti thin. English Bible-ah chuan, “Waiting in hope for the blessing which will come with the appearing of the glory of our great God and Saviour Christ Jesus”

Mizo Bible-ah kan Pathian ropui tak, Chhandamtu Yeshua Messia tih a ni a, LEH tih hi an hmaih palh a ni.

Apostol-ten Yeshua chauh an ti ngai lo. Rom 1:7 – *Rom khuaa Pathian dub tak, mi thianghlina awm tura kohte zawng zawng hnenah : Pathian, kan Pa leh Lal Yeshua Messia hnen ata khawngaihna leh remna in hn>nah awm rawh se.*

I Kor. 1:3 – *Pathian kan Pa leh Lalpa Yeshua Messia hnen ata khawngaihna leh remna in hnenah awm rawh se.*

Philemona 1:3 – *Pathian, kan Pa leh Lalpa Yeshua Messia hnen ata khawngaihna leh remna in hnenah awm rawh se.*

Hebrai 1:9 – *Chuvangin, Pathian, i Pathian chuan, I thiante ai chuan Hlimna briak a thih nasat tak che hi, helaiab hian Pathian Fapa chuan Pathian a nei a nih hi.*

Lal Yeshua chauh a nih lohzia chu an khenbeh lai pawh khan, a thih dawnin, “*Ka Pathian, ka pathian, engah nge mi kalsan,*” tiin a au tih Matthaia 27:46-ah kan hmu a ni.

Lal Yeshua a thih khan amah leh amah a inkaitho lova, Pathianin a kaitho zawk a ni. Tirhkohte 2:32 – *Chu Yeshua chu Pathianin a kai tho leh ta reng a ni, chu chu a hretu kan zain kan ni e.*

Kan Lal Yeshua hi tawngtai mi a ni a, amah chauh ni sela tawngtai a ngai lo vang.

Johana 8: 16-18 – *A ni, sawisel mah ila ka sawiselna a dik ang; keimah chang ka ni lo va, kei leh Pa mi tirtu kan ni zawk si a. A ni, in Dan Lebkhabuah pawh, ‘Mi pahnih thu a dik,’ tih ziak a ni bawh alawm. Kei hi mahni thu briattirtu ka ni, Pa mi tirtu chuan ka thu a briattir bawh,” a ti a, a chhang a.*

Luka 6:12-ah chuan “*Tin, beti hi a ni a, chung lai chuan a chhuak a, tawngtai turin tlangah a kal a, Pathian hnenah a tawngtai zankhua a.*”

I Kor. 8:6 – “*Keini tan erawh chuan Pathian pakhat chauh (Pa chu) a awm a, ama hnen atangin engkim a chhuak a, keini pawh ama t^na awm kan ni; Lalpa pakhat chauh (Yeshua Messia chu) a awm bawh a, amah avangin engkim a awm a, keini pawh amah avang bawka awm kan ni.*”

Hetah pawh hian Lal Yeshua chauh a nih lohzia a Chiang hle a ni. Pathian hian Fapa mal a nei a, chu chu Yeshua a ni.

Aw le, chhiartute Lalpan malsawm rawh se, Amen.



## RAMCHHUNG PASTOR-TE RAWNGBAWLNA REPORT

— Elder David L. Hmar, General Secretary



Pastor ST John Beingachhie



Pastor Robert Malsawmsanga



Pastor H. Lalfakzuala

**Pastor ST John Beingachhie,  
Aizawl & Mamit Circle bialtu**

**February atanga April 2023  
chhunga a rawngbawlna.**

Kum 2023 kum bul lamah Bialtu Pastor hian Aizawl Local Church-ah member thar pali lai a lawmlut tawh a, nau hlan leh baptisma chantir a nei bawh.

### 1. Member thar lawmluhte:

- 1) C. Lalmalsawmi  
D/o C. Lalthlamuana (35)  
Presbyterian Church, Zema-  
bawh North.
- 2) Vanlalhriatzuali  
D/o K. Lalmalsawma (24)  
UPC, NEI Chanmari West.
- 3) Endrico Kruusimaa  
S/o Esmo Kruusimaa (32)  
Focus Church, Talli, Estonia.
- 4) Lalzekimi  
D/o Ramtharpianga Chhak-  
chhuak (28) Presbyterian  
Church, Bethlehem Veng-

thlang.

### 2. Nauhlán.

- 1) Emmanuel Lallunghnèma  
Sailo S/o Israel Lalfela, Sai-  
khamakawn. 4/month

### 3. Baptisma

- 1) C. Lalmalsawmi  
D/o C. Lalthlamuana
- 2) Vanlalhriatzuali  
D/o K. Lalmalsawma
- 3) Malsawmkimi  
D/o Haukima,

### 4. Mitthi vui

Pu. Ronghaka, Mission  
Vengthlang.

### 5. Inneihirte.

C. Lalthangkhuma S/o C.  
Lalawia Noaotlah (Niawh-  
tlang)leh Vanlalhriatzuali D/o K.  
Lalmalsawma Chanmari West.

2nd April, 2023 Sunday khân  
Aizawl Circle Executive Com-  
mittee Serkhanah a □neihpui  
bawh.□

**Pastor Robert Malsawmsanga, Lungleia & Chawngte Circle bialtu .**

**February leh March thla chung rawngbawlna**

February 4 leh 5 (Sabbath & Sunday): Lungleia Sabbath a hmang a, a t<k Sunday-ah Kohhran din tanna lung phun hawna hunserh an hmang a. Chawhma lamah inkh<sup>^</sup>wmna nei a ni a, Pathian biak inkh<sup>^</sup>wm a kaihrui a, Elder Dr. GL Hnamte-in thuchah sawina a nei. Tlai lamah ruai tui tak an kilho nghal. Lungphun leh ruai senso hi Elder Dr. GL Hnamte tum vek a ni a, kohhranhote an l<sup>^</sup>wm hle.

February 11 leh 12 (Sabbath & Sunday): Zirtawpniah Sekhumah Sabbath hmang turin an chungkuain an kal a, Pastor H. Lalfakzuala Chawngte kal haw lamin a telpui ve baw a. Sabbath intan zan atang a ral zan thlengin inkh<sup>^</sup>wmna an nei thei a, hlim takin fakna hla te sain Pathian nena inpawlana an nei thin.

MPKTP Boundary Commis-

sion meeting-ah tel turin a kal a, kal pahin Thenzawlah Pu Ramtiana te chh<ng tlawhin an chawl. Aizawl thlengin d<sup>^</sup>r 1pm-ah Deacon Ramnghinga, Nursery Veng te inah meeting an nei. Aizawl atanga a haw lamin Serchhipah kualin Calendar a pe hlawm baw.

February 18 (Sabbath): Lungleia a hmang a, chawhma inkhawm banin nupa tuak hnihte inneih thattirna a nei. February 24 (Friday)-ah Lungleia chhuahsanin Leite panin Elder H Kapchhawna nen an kal a. Sabbath intan zanah Elder H Kapchhawna'n thuchah a sawi a, a t<k Sabbath leh a ral zanah thuchah puanna hun a hmang ve thung a ni. A t<k Sunday-ah Pangzawla riak turin an kal leh a, Hnahthialah Elder H Chhanpiala te nupa tlawhin inkh<sup>^</sup>wmna hun tha tak an nei thei a, thingpui te an in zawhin an kal leh a, tluang takin Pangzawl an thleng.

Pangzawlah hian zan lamah inkh<sup>^</sup>wmna an nei thei a, Pathian thuchah puanna a nei a. A t<k Monday-ah Lungleia lamah an kir leh ta a ni. Lungleia Circle a

fannaah hian Grape tui leh Calendar pawh a sem nghàl zel a, March thla chhung hian Chawngte Circle fan lehngàl a tum.

March 4 (Sabbath): Lunglei atangin March 2-ah Chawngte Circle fang turin South Bungtlang a pan a, tuang takin a thleng. March 4 (Sabbath)-ah leh a ral zànah Pathian Thuchah puanna hun a nei a, Sabbath inkhawm bànah Local Board meeting a neihpui chhonzawm nghàl. South Bungtlang hian thilpek rawngbawlna chungchawng sawi a ni.

March 11 (Sabbath): March, 10-ah South Bungtlang atangin Pu HC Dengzauva, PKTP Chawngte Circle President nen Khawmawi panin an kal a, tuang takin an thleng. Khawmawi an thlen rualin kohhranho an tlawh kual zuai zuai a, a tukah in tin an tlawh chhuak vek bawk. Sabbath intan zan atangin inkhawmna an nei a, PKTP Chawngte Circle President hian Sabbath intan zanah, ***“In eng chu mi mithmuhab eng rawh se”*** tih thupui hmangin Pathian thu a sawi a,

Sabbath tukah leh a ral zànah – ***“LALPA Chawlhuite”*** tih leh ***“A ram leh a felna zawn hmasak”*** tih thupui hmangtein Pathian thuchah puan chhuahna a nei ve thung a ni.

March 18 (Sabbath): Hmunnuamah Pu HC Dengzauva nen an hmang leh a, Sabbath intan zànah Pu HC Dengzauva'n hun a hmang a, a tuk Sabbath leh a ral zànah a hmang thung a ni. Hmunnuamah hian Sabbath t<kah, ***“Lei chi”*** tih thupui hmangin Pathian thu a sawi a, a ral zànah hian Prophetic Chart an z^r a, UPC kohhran atangin ngaithlatu an awm a, hlawk takin hun an hmang zo a ni.

March 25 – 27: March 24 (Friday)-ah South Bungtlang atangin Elder HC Singkhuma, Chairman, Chawngte Circle hoin, Circle Executive Member- te nen Chawngte panin an kal a. Circle Conference-in a lo rel tawh angin Executive Meeting leh Leadership Training neih tur a ni. Sabbath intan zan atangin Pathian biak inkhawm neih a ni a, Sabbath chawhma inkhawm banah Executive Committee meeting neih a ni.

Rorèlna tluang tak leh hlim taka neih zawh a ni a, rorél palai pawh an kal kim hle. A t<k March 26 (Sunday)-ah Leadership Training neih a ni a, Resourse Person a t^na ruat a nih angin hun a hmang a, 1st session leh 2nd session-ah thenin discussion hun thawl tha tak an nei thei bawk. Hlawk thlak an ti a, kum dangah pawh chìn chhunzawm zel tha an ti t^ng hle. Sunday ral zànah pawh inkhawmna hun an nei chhunzawm leh a, ***“Kobhran thanlen zel theih nana kan rilru put hmang tur”*** tih thupui hmangin kohhranhote fuihna hun a hmang.

Rorel palaite chu Sunday ral zàn inkhawm bànin an haw a, ani erawh chu Chawngte (P) Biak In sak turah ruahmanna siampui turin an ch^m a. March 27 (Monday) zànah chuan a ngenna angin Building Committee chu an thukhawm ta a, Biak In sakna tura ngaihtuah hmasak tur thu pawimawh tak tak rèl a ni a. Rorèl zawh hnuin kohhranhote lungrual taka Biak In sa zo thei ngei tura fuihna leh hriat tur pawimawh tak takte sawina hun a nei a ni. Lungleia haw tum a

nih laiin South Bungtlangah nau hlan tur pahnih an awm avàngin April Sabbath hmasa ber hmang turin a la ch^m chhunzawm a, Lungleiah Kalhlen K<t a hmanpui.

**Pastor H. Lalfakzuala,  
Champhai & Khawzawl Circle  
bialtu.**

**January-March thla rawng-  
bawlna**

Dt.14.1.2023 kh^n an chhungkua leh Pu Zosangkhuma, Zotlang te chhungkua nen Mualkawi Kohhran tlawhin Inkhawmna an neihpui.

Dt.17.01.2023 khan Khawchhak District Executive Meeting Pastor Quarters Champhaiah an nei a, Kohhran thil pawimawh hrang hrangte rèlna an nei. Dt.21.01.2023 khan an nupa b^kah Pi Vanlalhriati te nen Khuangleng Kohhran an tlawh a, inkhawmna tha tak an neih b^kah Elder Vanlalhuma te Inah Pathian thua inkawmhona an nei leh a, kohhran hmal^kna leh infuihna thute an sawi.

Dt.28.01.2023 khan Champhai Kohhranah Deacon in-

thlanna a neihpui a, Pu Zosang-khuma chu lungrual takin Deacon atan thlan tlin a ni a, Pu Zosangkhuma hian thlan tlin hi a pawm hnuin Pathian hnena hlanna leh ṭawngṭaisakna a nei nghal bawk. Dt.30.01.2023 khan bial fangin a zin chhuak leh a, Bungzung leh Biate Kohhrante a tlawh a, Biateah hian NI Gospel Hmangaihthangi chauh a awm a, nikum December thla khan a pa, Elder MC. Lawmhluta'n a thihsan chu Sangau aṭangin a lo haw hlim a ni a, Champhai Kohhran chhungkaw ṭhenkhatte aṭanga ralna tling khawm Rs 1,900/- an hlan. NI Gospeli pawh a lawmin Kohhranhote an hmangaihnaah lawmthu a sawi mawlh mawlh.

Dt.12.02.2023 khan MPKTP Boundary Commission Meeting Aizawla neihah a tel. Tin, Khawchhak District Kohhranhote mamawh khawp Bible Calendar leh Grape tui a hawn nghal bawk. Dt.17. 02.2023 khan bial fangin a zin chhuak leh a, Tawitawkawn leh Khawzawl Kohhrante a tlawh a, Tawitawkawnah Sabbath a hmang a, a chàm chh<sup>h</sup>ngin inkhawm vawithum an nei a ni. Tin, Sabbath

inkhawm laiin Deacon inthlanna a neihpui a, Pu Lalawmpuia thlan tlin a ni.

Pu Lalawmpuia hian thlan tlin a pawm hnuah Pathian hnena hlanna leh ṭawngṭaisakna a nei nghal a ni. Tin, nau thar duhawm tak PS. Hmingthansangi D/o Lalmangaihsanga, Pathian hnena hlanna a nei bawk. Inkhawm bànah Local board inthanna a neihpui leh a, hruaitu thlan chhuahte:-

- 1) Chairman -  
Deacon Lalawmpuia
- 2) Vice Chairman -  
Elder Nokhanthanga
- 3) Secretary -  
Pu Lalmachhuana
- 4) Asst. Secretary -  
Pu Lalmangaihsanga
- 5) Treasurer -  
Evan.PS.Lalrinawma
- 6) Fin. Secretary -  
Deacon Lallawmkima

Tlai lamah Local board sum enfelna a neihsak leh bawk. A tuk Sunday-ah Biak In hnatlangah chawhma a telpui a, chawhnu lamah Khawzawlah zan riak turin a chho leh a, Khawzawlah

hian Sabbath a hman loh avangin inkhawmna an nei lo va, mahse, Elder Roluahpuia nen Kohhranhote In tin an tlawh chhuak a ni. Bial a fanna Kohhranhote hnen aṅang hian budget leh thilpek dangte khaw tin aṅangin an hawntir hlawm a ni.

Bial chhungin kohhranhote Pathian hruaina leh pawlna an chang zel a, Sialhawk, Tawitawkawn leh Sazep te phei chuan chawlhkar tin deuhthawin Kohhran hnatlang an nei ṅhin a, kohhranhote pawh an hlim tlangin hmasawna pawh an nei ve zel a, an lawm thei viau a ni. Dt.28.02.2023 khan Ramtharngbaka S/o Elder JH.Lalbiaknggheta, Champhai leh Runremzauvi D/o Ruatthanga, Sazep te chu Sazep Kohhran Biak Inah a inneihtir a ni.

Dt.04.04.2023 khan Buangkhua Kohhran tlawhin a kal a, an lo inbuatsaih ṅhat avangin a lawm hle a ni. Buangah hian kohhran in khat chauh awm mahse rinawm takin Pathian thutak an vuan tlat a. Nikum lama an thawh chhuah aṅangin sawma pakhat pawh ṅhahnem tak an hawntir a ni. Dt.18-20

March, 2023 khan Khawzawl Circle Conference vawi khatna Tawitawkawn kohhran Biak Inah an hmang a, an hlim tlang. Khawmpuiah hian bial chhung aṅangin palai 23 leh bial pawn Keifang kohhran aṅangin chhimtu pahnih an tel a, lawmawm an ti hle.

Inkhawmpuiah hian hruaitu inthlanna leh rorelna tuang taka neih a ni a, Budget pawh uluk leh fimkhur taka ruahman chu lungrual taka pawm a ni. Tin, thupui thlan bik an neih loh avangin thupui hrang hrang hmanga Pathian thuchah ngaih-tlak a ni a, an hlawkpui viau zel. Tin, Sunday khan a thlengtu kohhranten Bawng talhin ruai an buatsaih chu puar leh hlim takin kan kilho a ni.

Dt.24-26 March, 2023 khan Khawchhak District Executive Committee Champhai kohhran Biak Inah neih a ni a, Committee member an kal ṅha viau a, riak lut hi sawmhnih an ni a, l^ngin member pasarih an tel baw. Execurive Committee-ah hian inkhawm programme fel fai taka duan a ni a, Pathian thuchah ṅha tak tak ngaihthlak a ni.

Kumin hi District hruaitu inthlan kum a ni a; mahse, nikum lamah inkhawmpui vawi hnih an neih tawh avangin kumin hian inkhawmpui neih an tum lova, chuvangin, Executive Committee-ah hian rorel bakah hruaitu inthlanna pawh tuang taka neih nghal a ni.

Bial fanga a zin loh lai hian

Champhai kohhranhote vilin hun a hmang thin a, chhungkaw hrang hrangte tlawhin fuihna leh tawngtainate neiin a tlawh kual bawh thin a ni. District chhung kohhranhote tisa leh thlarau lamah an hlim tlangin hma pawh kawng hrang hrangah an sawn zel a, kum dang zawng zawng aiin Budget lut leh Headquarter-ah chhun luh pawh a pung a ni.

## MISSION RAWNGBAWLNA

C. Lalthangkuma,  
Secretary, Mission Deptt.



Assam Circle viltu, Pastor Haggai Basumatary, Guriajhar, Assam atanga Report

A vawihnihna atan Odisha State a Mayurbhanj District, Jashipur Division-ah k^r khat ch^min Mission trip a nei a. March thla tawp lam leh April k^r khatnaah kh^n rawngbawlna a nei a, Elder J. Halan Hans-an a tawiawm a. Hnam hrang leh tawng chi dang hmang atangten chhungkaw thar 7, Church of God (Seventh Day) member atan lawm luh an ni a. Chiang taka Yeshua Messia

an lo hmuh a, an rilru inpeih hun nghah avangin baptisma erawh an la chantir lo.

Hun remchangah Pastor Naresh Hembrom chu anmahni Baptistma chantir turin a kal ang. Nupa thenkhat innei tawhte pawh Registration siam sak ngai an awm. Ni nga chhung rawngbawlna a neih hnuah Assam-ah a kir leh. Helai chhehvela khawpui leh khawte te inkarah buaina deuh a awm a, An local Tribal Adivashi-ten strike an huaihawt a. He buaina hi a lo reh hunah Odisha-ah chuan Kohhran a la than theih a beisei.

Rawngbawla a ch<sup>^</sup>m chung khan mipa tleirawl pakhat erawh chu baptisma chan thuai a duh avangin baptisma a chantir. Midangte erawh chu a tlawh leh hunah baptisma chantir an ni ang. Tunah erawh chuan Pastor Naresh Hembrom kutah Odhisha-a Kohhrante chu hlanin Yeshua Messia an lo hriat chian zual zel theih nana kaihruai turin an inchah a ni.

Remchang hmasa berah heng a hma chhawpte tipuitling tur hian kal leh thuai a tum a Thlarau Thianghlim hruainain a hlawhtling ngei ang tih kan ring.

**Mission Department hmalaknain Chhiahtlangah mitthi ral a ni.**

Aizawl-Lamchhip-Chhiahtlang lamtluang hi Km 76 vel a ni. Mission Dept of CoG7 rawngbawlnain April 23, 2023 khan Ephraim-Israel hruaitu Pu Sailiankhuma (67), Abib 21, 5783 AM-a muhil ta ralna, Mizo danin han neih a ni. Aizawl atangin mi 20 an thawkchhuak a, lirthei ke pali nei 4 leh motorcycle 1 an inzui chho.

Felfai takin Deacon Ramng-hinga'n hunserh kaihruaiin thu hmatheh tlem sawiin, tawngtaina

a hmang a, Deptt Secretary, Pu C. Lalthangkhuma'n ralna sum Pu Saia thiannu kutah a hlan zui a, Elder David L. Hmar, Mission Director-in tawi fel kim takin "He thu hian lo inthlamuan tawn rawh u," tia Paula thuchah a rawn vawrh a, kan hlawkpui hle. Tawngtaina hmangin Aizawl W CoG7 Elder Lalzidinga'n hun a hmang leh a.

Hla thlan sual a awm lo, khuangpu hla lak a fuh thei bawk a, Chhiahtlang unaute thawm a nep lo va, zai leh lam pawh a nuam.

Chhiahtlang unaute zinga zaithiam lar tak Rempuia'n Pu Saia uina hla, Pu Lalthlamuana, (Pu Saia fapain) a lo phuah chu a rawn thlawh chhuak bawk a, lung a kuai hle.

Ralna hunah khan mi 60 chuang hret kan pungkawm ve hial awm e, hna tauṭeh lai a nih aleiah Chhiahtlang thalaite kan hmu kim lo.

Zuitu Isaac Hnamte pawhin  
THAWHLEHNA VAWI  
THUMNA ZUARTU AN LA  
RAWN AWM ANG, LO  
FIMKHUR ANG CHE U.

*Chbunzawmna pbek 22-naah*



## MISSION CHUNGCHANG ZIRNA



Lalramdinmawia

### Thuhmahruai

Israel thlahte khan Pathian chanchin mi dangte hnena hrilh leh puandarh lam kha an ngaihtuah thleng phak meuh lo. Chutiang chu Pathian an hriatthiam dan pawh niin a lang lo. Hetiang a nih avang hian mi dangte hnena Pathian thu hriattir kha an tum hauh lo mai. Kh<sup>^</sup>ng hun lai sakhuuaa inzirtirnaah pawh hmuh tur a awm l>m lo niin a lang. Anmahni ramri k<sup>^</sup>na mi dang hnena Pathian thu mi dangin an pawm tur ang z<sup>^</sup>wngin tirhchhuah hmuh tur an vang hle. Zawlnei Jona pawh kha tunlai mission kalpui ang a, mi dangte va hrilh kha a tum ni pawhin a lang lo; amah pawhin chutianga tirh a nih pawh a inhre lo hial zawk maithei e. Hei vang hi a ni mahna mi thiam Rzepkowski-a phei chuan ‘Thuthlung Hlui leh Thuthlung Thar danglamna ber chu Mission-ah hian a ni’ a ti hial a ni.

### Thuthlung Hluia Mission Kalpui dan:

Thuthlung Hlui zirtirnaah chuan Israel-te chu Pathian Hnam thlan an ni. Hnam thlan an nihna chu an thlahtu Abraham a tanga chh<t a ni. Abraham a chu Pathianin a ko chhuak a, Ram p>k a tiam a, a thlahte pawh a mite anni ang (Gen.12). Pathian Hnam thlan nih theih dan chu Abraham thlah nihnaah a innghat hl<sup>^</sup>wm tawp mai a ni. Hei vang hian

hnam dang tan Pathian Hnam thlan nih ve theih dan a awm lo. Hetiang hi a nih avangin anmahni Israel fate ngei pawhin mi dangte an hnena hruailuh tumna an neih loh phah a tih theih a ni.

Israel-te Pathian tha ti leh ring duh an awm pawhin an zingah an tel ve theih dan kawng awm chhun chu Saphun a ni. An saphunte ngei pawh anmahni ang dinhmun-

ah an dah pha chuang lo niin a lang. Hetianga Hnam thlan zinga awm theih dan hi awm bawk mah se mi dangte an hnena hruai luta, an biak Pathian be ve tura thahnemngaihna erawh an nei lo. A duh chu an hnar lem lova, duh ve tura mi dang sawm erawh chu an tum si lo. Hei vang ngawt chuan Mission a awm lo chu a ni der si lo. Mission an kalpui duh dan kha a la puitling lo hle zawk a. An duh ang chinah Pathian Thu kha an kalpui ve mai ni awm a ni.

Mi thiamte sawi danin Thuthlung Hluiah hian Mission lungphum a awm a; mahse, chu mission kalpui dan erawh chu a chhuahpui lam ai chuan a luhpui lamzawng zawk a ni an ti. A awmzia chu mahni kal chhuak a, mi dangte va hrih leh an sakhua kalsana Israel-te Pathian be ve tura sawmna (*luangchhuak=centrifugal movement*) lam aiin a rawn be ve duhte hnar lova lo pawm a, Juda saphuna lo siam (*luanglut=centripetal movement*) kha an duhtawk viau mai.

Khati a nih avang khan Thuthlung Hluiah hian thahnemngaia mi dangte veina emaw, hriattir duhna a awm lem lo a ni ang. Bible bu pumpui han khaikhin pawhin hei hi a dik hmel viau mai. Pathian inpuannaah chuan mi zawng zawng huapa lantir ni thin bawk mah se, a thu lo dawngsawngtute lam chak lohna avang erawh chuan hriat hmaih palh an nei thin ngei chuan a lang a ni. Israel fate khan an Pathian kha an ta neih luatah Pathian ropuina an tinep sawt ta hial zawk a tih theih awm e. An hriat famkim lohna erawh khawvel tana malsawmna hlu zawk thlentirtu chu a ni si awm e. Hetiang hi a nih avangin ngun taka ngaihtuah a, mission lungphum hmuh fiah hi a tul hle reng ta a lo ni.

### **Khawng Thuthlung Hlui a Mission Chu:**

Israel fate hnena Pathian inpuanna kha a chian tehreng nen khan an hre fuh mai thei bik lo. Pathian ngei pawhin a hrethiam thui thin viau reng a ni. Hmun tam takah an hriat

fiah theih nana Pathian hmalakna leh fuih tharna hmuh theihin a awm. A fiah deuh theih beiseiin heti hian en ila.

**1. Mission chu Pathian aṭanga in ṭan a ni:** Kristian-te thurin inngahna pawimawh tak chu Thuthlung Hlui lehkhabu hmasa ber Genesis bu hi a ni a. He lehkhabu-ah hian Pathianzia, a hnathawh leh thuneitu a nihna te Chiang takin a lo lang hlawm. A thil siam zawng zawngte chu duh taka siam an ni tih pawh a awm. A lawmna ber pawh Ama anpuia a siam mihringte-ah a awm tih pawh hmuh a ni. A thil siamte pawhin Amah an lawm ang tih hi rin theih a ni.

Amaherawhchu, mihringte Sualah an tluk thu leh Pathian nen an inmihran tak thute a lo lang zui ta hlauh a. Pathian thianghlim leh mihring bawlh-hlawh chu awm dun a rem ta si lova; mihringte chu hnawh-chhuah an lo ni ta. Pathian meuh pawh tilungngai thei chu mihringte an ni a. An sual chung pawhin a hmangaihna

a reh ve thei si lo. He hmangaihna thinlung tak hi Mission bul inṭanna ngei chu a lo ni ta a. Pathianin a hmangaih tlat avangin Amah ngeiin kawng zawngin hna a thawk leh ta zawk hial a. A hmangaih mihringte a neih let leh theih nan Amah Pathian ngei chu a chet a lo ngai ta. He chetchhuahna hi a ni Mission chu lo ni ta.

Thuthlung Hlui bute chu Pathianin mihringte a rawn zawn chhuahna lehkhabu an lo ni ta hial a tih theih. Thuthlung Hluia Pathian chu Missionary Pathian a lo nih phah ta a. Mission tih chu – *tir, kal chhuabtir* tihna a nih avangin Pa Pathian chu A Fapa neihchhun kal-tlangin *Tirhchhuabin* a awm a tih theih mai awm e. He hna ropui tak mai hi Thuthlung Hluiah ngei inṭanin a famkim-na pawh Thuthlung Thar lamah, Lal Yeshua Messia-ah hmuh theihin a lo thlang ta a ni.

**2. Pathian pakhat chauh awm rinna hi mission inṭanna a ni:** A chung a t<sup>^</sup>rlan

tawh ang khian Israel-te chu Pathian inpuanna dawng hmasatute an ni a. An Pathian biak kha an hre chiang thaw-khat viau reng a ni (cf. Deut. 6:4). Pathian pakhat chauh awm rinna leh hriatna hi mission inngahna pawimawh tak pakhat a lo ni reng mai.

Israel fate khan thil pawimawh tak hriat hmaih an neih a awm ve fo mai. Pathian hi engkim siamtu, engkim chung a thuneitu leh Amah chauh chu biak tur leh rin tur a nih chuan eng vangin nge A thilsiam dangten Amah chu an biak loh bik ang a; engvangin nge Amah chu an rin loh bik ang? tih hi a ni. Israel-te Pathian, Kan Pathian Yahweh chu khawilai ram bial then zim tea awm pathian a ni ve lo. Khawvel zawng zawnga Pathian awmchhun a ni. Amah biak leh chibai b<k chu mi zawng zawng tih tur pawimawh tak a ni. Mi zawng zawng Pathian nih hi A thil tum chu a ni reng a ni. A hun tea inhriattir leh kalpui kha Pathian duh dan a ni zawk ang.

Bible Bu pum han enin Pathian ruahmanna felzia chu hmuh hmaih theih lovin a lo lang zel zawk a lo ni.

**Pathian Hnam thlan an nihnain Mission a keng :**

Israel fate kha 'Thlan' an nihna tak chu Pathian rawngbawl tur zawkin a lo ni reng mai. Thlanna hi rawngbawlnain a zui si loh chuan a nihna tak leh a hlutna a bo thak thin zawk a ni. Israel-te pawh hian thlan an nihna kha an inhre sual zawk a tih theih awm e. Pathianin Israel-te a thlan chhan chu A rawngbawltu atan a nih laiin anni'n anmahni nawmsakna leh an hamthat bikna tur emaw an ti hi chu an tisual ve hle niin a ngaih theih ang. Pathian khawngaihna an dawn kha an chapopui ta hlauh zawk emaw ni chu le a tih theih awm e. Thlan an nihna kha uikawm bopui atan LALPA khan a tih hmel loh zawk si. An thatna leh fel bikna awm hauh lo chung pawha thlangtu hian engvangin nge hnam dangte chu a huat ang a, A tihboral duh bik kher ang?

Anmahni thlangtu hian chhan awmin a thlang mai zawk a ni dawn lo'm ni. Thlan chhuah nihna chuan rawngbawl na a keng tel zawk tih an hre lo mai a ni zawk a. Rawngbawl na (*Mission*) tur awm reng chung a Pathian rawng an bawl si lo kha Israel-te chung a Pathian lungawi lohna chhan pakhat niin a lang. Anmahni thlangtu thu kha pawmin awih ngat sela chuan Israel-te chanchin hi a danglam dawrh mai-thei. Koh chhuah emaw, thlan chhuah nihna hi a chena chen tur ni lovin mawhphurhna a ken tel hlenchhuah nana hman tur a ni zawk a. Rawngbawl tura thlan an nihna kha Mission chu a lo ni reng mai.

**Tanakh Bu-te hi mission lehkhabu an ni:** Tanakh kan tih chu Genesis – Malakia bute hi a ni. Heng hi Thuthlung Thar hriat thiam nan a pawimawh hle a ni. Matthaia - Thupuanbute hi a Tanakh aṅanga thlir tel loh chuan a fiah mawh thin hle a ni. Yeshua ngei pawh khan Thuthlung Hluibu-te chuan ama chanchin an ziak a

ni a ti reng a ni. Chuvangin, Kristian mission hi Lal Yeshua aṅanga inṅan chauh ni lovin, Thuthlung hmasa aṅang daih tawha zung lo kaih tawh a ni tih hriat thiam tur a ni ang.

**Kawlkil thlenga Chhandamna:** Thlan chhuah emaw, koh emaw nihna leh mawhphurhna chu Rawngbawl tur a awm vang a ni thin. Zawlnei Isaia hmanga Pathianin a thlan na leh a kohna Chiang taka hmuh theih chu, Jentailte tiengtu-ah pawh ka ruat baw ang che, kawlkil thlenga ka chhandamtua i awm theihna turin, a ti (Isa. 49:6). Kawlkil thlenga awmte chu Israel-te chauh ni lovin, Jentail-te pawh an tel ve ngei ang. Ch<ng kawlkila awmte chhandamna kawng kawhmuhtu turte chu a thlan chhuahte rawngbawl na tur chu a ni ngei ang. Thlan emaw, koh emaw nihna pawimawh rawngbawl hi hlamchhiah a nih chuan a nihna a bo thin. Hnam thlanten an hlen tak si loh avangin Pathianin kawng thar a zawn a lo tul phah ta hial a ni.

Thuthlung Thar lamah Yeshua thuchah pawimawh tak chu kawlkil thlenga Chanchin tha hi hrih a nih chuan a hritu awmpui zel a tiam thlap mai (Matt.28:20). Thuthlung Hluia mission kha hlen lohvin awm mah sela, a Tharah pawh chhonzawm a la ni zel tho dawn tihna a ni. Pathian rinawm takin a lo tiam tawh kha hlen chhuah lohvin a awm thei si lova. Vawiin thlenga Pathian mite awm hle hletir theilota leh titul bertu chu Mission tho kha a la ni reng.

Thuthlung Hlui famkimna chu Thuthlung Tharah a ni a; a Thar hre fiah tur pawhin a

Hlui hriat tel a lo tul hle mai. A tir atanga Pathian thil tum khawvel chhandam chu Amah atanga intanin, a hmangaihna thinlung (mission) pawh Israel-teah lo lang zelin Thuthlung Thara Lal Yeshua Messia-ah, a dang awm thei tawh lo tura famkimin a lo awm ta a ni. Chuvangin, Pathian chatuan thil tum chu hlen a nih theih nan leh sual chu hneh a nih theih nan a Fapa Yeshua Messia meuh pawh a rawn tir chhuak ta zawk a ni. He hna hi chhonzawm zel a nih theih nan vawiinah chuan A Kohhrante chungah mawhphurhna pek a ni ta (Mt.28:18-20).

### **Mission Department hma-laknain Chhiahtlangah mitthi ral a ni.**

#### *Chhonzawmna*

Thawhlehma Hmasaa thawh a hlu ber ang, Yeshua lo kal leh huna thleng tur, tiin a fuih a. Messia chhinchhiahna Ni Thum leh Zan Thum vawng diktu an lo nih ve hman tawh achungah inunau zual belh sauh tura rawngbawlho kan nihziain a fuih tel ve bawh.

Unaute Biak In hmun tlawh a ni a. Tin, hun hmasa lama Aizawl

CoG7 Pavalaiten in saka an han puihbawm Pu Lalthlamuana in thar sak, luah theih tep han thlekna hun neih hnuin, tluang takin Elohyim hruaina zelin Aizawl chu zan dar 7-a rawn thlen leh a ni.

Chhiahtlang han chuante an hlim hle. Anni min lo dawnawn dan pawh a mawihnai hle bawh.

## MIZORAM PATHIAN KOHHRAN ṬHALAI PAWL



Solomon Vanlalfaka,  
General Secretary



**BRANCH :** Branch inthlan hun a lo thleng chho leh ta a, hmachhawp leh hmalakna duhawm tak tak neiin an ṭang tlang hle. Report dawn ṭanga hmuh leh hriat theih chinah a hnuaia Branch te hi Inthlanna nei tawhte an ni

- Aizawl Branch
  - Champhai Branch
  - Tawitawkawn Branch      April 7, 2023 Zirtawpni (Abib 6) khan PKṬP Aizawl Branch OB thlan tharte chuan Leadership Training an nei a, Tv. Benjamin Lalrinawma, ECM MPKṬP-in Resource Person niin hun a hmanpui.
  - Lunglei Branch
  - Siaha Branch
  - Mamit Branch
  - Chawngte 'P' Branch      April 12, 2023 Nilaini (Abib 21) khan PKṬP Chawngte 'P' Branch chuan Tualchhung Kohhran Member Kum 70 kai chinte chawimawina an nei a, mi pali(4) hnenah Lawmpuina thuziak leh Fakna Hla Bu an hlan.
- PKṬP Bungtlang South Branch te chuan MPKṬP General Conference 2023 an thlen dawn avangin nasa takin inbuat-saihna an nei ṭhin a, hnatlang wawi engemaw zat nei tawhin an ṭang tlang ṭhin hle.

Aizawl Branch Member  
aṭangin Nupa tuak thar  
pathum an awm a.

1. Samuel Lalmalsawma leh C.  
Lalmalsawmi .

Inneih ni: 15.3. 2023, Inneih-  
tirtu: Pastor K. Rothanga

2. C. Lalthangkhuma leh  
Vanlal-hriatzuali

Inneihni : 4.4.2023,  
Inneih-tirtu : Pastor ST. John  
Beingachhie

3. Zochampuii leh Endrico  
Kruusimaa

Inneihni : 14.4.2023,  
Inneih-tirtu : Pastor Robert  
Malsawmsanga.

#### **CIRCLE :**

PKṬP Siata leh Siaha Circle  
chuan Abib 21, 5783 (April  
12, 2023) khan Chhimituipui  
District Bialtu, Pastor C.  
Liansang chu Pastor quarter,  
Siahaah Master of Theology  
(M.Th) ṭha taka a pass avangin  
lawmpuina thuziak an pe.

PKṬP Chawngte Circle  
chuan April 21–23, 2023 khan  
Intlawhtawanna hun an nei a,  
Khawmawi Branch-ah intawk-  
khawmin, Circle Executive  
Meeting leh Bialb Zaipawl hla  
zirna hun an hmang. He hunah  
hian Palai 21 lai an tel thei a ni.

#### **MPKṬP:**

OB Meeting Vawi 9 neih  
tawh a ni a, hmalakna leh  
hmachhawp hrang hrang duan  
chho mek zel a ni.

MPKṬP Kumpulan puala  
Donation lut khawm tawh zat  
zawng zawng chu' 23,660/- a  
tling tawh a, ṭhahnemngai taka  
thawhtu Branch leh mimal  
inphal zawng zawngte chung-  
ah MPKṬP chuan lawmthu a  
sawi takmeuh a ni.

Shofar-ah hian Fellowship  
huang a awm dawn a, hetah  
hian Ṭhalai lam hmalakna  
tarlanna leh thil pawimawh  
inhriattirna a awm thei dawn  
a, ṭangkai taka hman a nih  
theih nan Circle lam aṭangin  
report pek kan uar deuh deuh  
dawn nia.



## ZAWHNA

## LEH

## CHHANNA

**Zawhna:** *Baptisma pawimawhna hi eng nge? Chhandamna chang tur hian Baptisma chan kher a ngai em ni?*

**Chhanna:** Chhandam kan nih theihna tur hian Baptisma chan hi a tul a ni tih rinna chu baptisma kan lo chan hian Pa Pathianin A Fapa Yeshua Messia kaltlanga min chhandamna chu kan pawm tih kan entirna a ni a, baptisma chu siamtharlehna entirtu atan pawh a sawi a. Kristiante t<sup>n</sup> chuan baptisma hi thuawihna lantirtu kawng pawimawh tak leh kan tihmakmawh a ni.

Tuia inhnimphum hi ringtute baptisma chan dana kan neih a ni a, Baptisma diktak chu Lal Yeshuaah a ni thung. Nimahsela, tuia hnimphum hian Yeshua Messia chu a thihna t<sup>w</sup>mpuitu kan ni tih a entir a. Tui atanga kan lo chhuah leh chiah hian Yeshua Messia thihna hneha a thawhlehna leh soal chu thihsanin

Messia angin mi thianghlima chhiar kan ni tih a entir a ni.

Rom 6:3-4 chuan, “Keini zingah Messia Yeshuaa baptisma chang apiangte chu a thihnaah baptis-in kan awm tih in hre lo em maw ni? Chuvang-in, a thihnaah baptisma kan chanin, a hn>na phum vein kan awm; Pa ropuinain mitthi zing ata Messia a kaihtawh ang khan keini pawh nunna tharin kan awm theih n<sup>n</sup>.”

Messiaa chhandam kan ni tih rinna hian thil ph<t a nei tlat a, chu chu thuawihna hi a ni. Chhandam kan nihna tilawhtling tur chuan thuawihna avanga thiltih kan neih ve a ngai a, chu chu baptisma kan chan hian chhandam kan ni tih kan pawmna chu a takin kan entir tihna a lo ni a. Kan soal man bat tl<sup>k</sup> n<sup>n</sup> Yeshua Messia chuan thihna ^nchhia a rawn tuar a (Rom 5:8; 2 Korinth 5:21). Chuvang chuan, Baptisma hi chhandamna kan

pawm a ni tih entirna at<sup>na</sup> kan thiltih pawimawh tak mai pakhat a lo ni ta; mahse, tui baptisma ngawr ngawr hi chhandamna erawh a ni lo.

Baptisma chu mipui vantlang hmaa mi tuin emaw rinna dang a vuan a ni tih entirna<sup>na</sup> hman a lo ni thin a, baptisma chang duh lote chu ring lotu tia sawi thin an ni. Tirhkohte hunlai leh zirtir hmasate hunlaih ngei pawh kh<sup>n</sup>, baptisma chang ve lote kha mi n<sup>w</sup>lpuite hriat ve loh leh ngaihven loh anga ngaih an ni. Mi tu emawin Yeshua Messia a lo ring duh a, chu a rinna chu mipui vantl<sup>ng</sup> hmaa pho lan a hreh si a, chutiang mi chuan a tak taka Yeshua Messia rinna th<k tak a la nei lo tih a entir a ni.

Baptisma hi Kristiante t<sup>n</sup> Messia thup>k awihna kawng pawimawh tak a ni a, chhandamna at<sup>na</sup> ph<t tlat thil erawh a ni lo, chutihruah chuan Messia thihna leh thawhleha tawmpuia inngaia, chumi rinna neitute chuan a rem

phawt chuan Baptisma chan ngei ngei tur a ni ang. Chhandamna tur chin chauh ngaihtuahna hi Pathian thil tum leh min din chhan a ni ngai lo tih hi hriat tlat tur a ni.

**Zawhna:** *Yeshua khawvela a lo lan hmaa ringtute khan engtin nge chhandamna an chanve?*

**Chhanna:** Suala tlu tawh mihringte tana chhandamna leh beiseina awm chhun chu kan aia Yeshua Messia inhlanna/thihna kha a ni. Yeshuan, “Keimah hi kawng leh thutak leh nunna ka ni; keimaha kal lo chu tumah Pa hnen an thleng ngai lo” (Joh.14:6). Mahse, Yeshua chu mihringte suala an tluk tan atanga kum tam tak hnuah daih lo kalin a thi chauh si a. Isua thih hmaa mite khan engtin nge chhandamna an chan ve theih tak ang? Tih hi zawhna pawimawh leh hriat thiam t<sup>ul</sup> tak chu a lo ni ta a ni.

‘Rinnain’ tih hi he zawhna chhanna tawi thei ang ber chu

a ni kan ti thei ang. Mihringte sualna avanga Yeshua Messia inhlanna hi mihringte siam kan nih hma, khawvel pawh siam a nih hma daih atanga lo duan lawk tawh a nih thu Pathian thu chuan min hrilh a (1 Pet.1:20; 2 Tim.1:9-10; Tita 1:2). Pathian thu chuan “thisen chhuah lovin sual ngaihdamna reng a awm lo” tih min lo hrilh a (Heb.9:22). Chu chu hriain, ringtute khan Pathian thu awihin, ran thisena inthawina hmangin Pathian hnenah an sualte thupha chawina an lo nei tawh thin a. Chung an inthawinate chuan Pathian beram no, Yeshua Messia chu a lo entir lawk sa diam a ni. Chu kalphung chu hrechiang em emin, Baptistu Johana'n Yeshua a hmuh khan, “Enteh u, Pathian Beram No, khawvel sual kalpuitu tur saw” tiin a lo au chhuahpui tawh a nih kha (Joh.1:29).

Yeshua pian hmaa mite kha chuan Pathianin ti tura a tihte tiin, ti lo tura a tihte ti lo in thuawihna hmangin Pathian an rinna chu an lo tarlang tawh

thin a ni. Thudik an hmuh ang zela rinnaa Pathian thu an awihna chu Pathianin misual an nihna ata mi felahpuangin, an felnaah a ruatsak ta zawk a ni (Rom 4:9-10). Hebrai 11 ah chuan Abela atanga rinna kawng a mi hming thate hming tarlan a ni tih kan hmu a. Chutiang bawkin Yeshua thih hnua mite pawh Yeshua inhlanna pawm a, chumi chu kan rinna kaltlanga khawngaihnaa chhandam kan ni tho bawk (Eph.2:8). Yeshua Messia, khawvela a lo lan hma lama mite leh a hnu lama mite tan pawh chhandam kan nih theihna chu Yeshua kan rinna hi a ni. Chu chu Pathian thupeka inngah ngamna leh chawlhnaah hian a lo ni bawk.

**Shofar-ah hian Sermon  
te, Article te, Mahni  
khaw chanchin leh  
kohhran lo din tan dan te  
ziak duh chuan type sa-in  
Editorial Board Member-  
te hnenah a thawn thei  
reng a, a remchan dan  
ang zelin tihchhuah thin  
a ni ang.**

## HRIAT HLAWH DAN AWLSAM

*Elder David L. Hmar*



Ka rilrua awm te kan sawichhuak teh ang. In huaatthu ka sawi em lo'ng chu maw. Kan Veng, Bungkawn Vengthara YMA khawhar in kal hun tawp zana ka thusawi kha kan veng chauh ni lo, veng dang leh khaw dang pawh hian kan mamawh leh kan tih makmawh atana tha a ni. Chanchinbu-ah chhuah ila thalai tam zawk hian an chhiar dawn lova, Whatsapp Group ah post ila a sei deuh chuan an chhiar tha peih dawn lo. Chuvangin YMA kalkhawm tam lai tak hian in beng hriatah ngei hian sawi ka duh ka ti a, chu thu chu hei hi a ni.

Pathian Kohhrana unau duhtak leh Nula tlangval Thalai rualte u, inpian leh seilenna khua ni lovah kum tluanin in awm bo ngai em? Hnathawkin emaw, sumdawngin emaw, Zirna avang pawhin tih hi ka zawt duh che u a ni. Chutiang in lo awm anih chuan hei hi hre reng rawh u. Mikhuala ka awmna hmunah hian damloh nat chhiat leh thih hial pawh tawk thei vek kan ni. Chutiang hun chu kan chungah lo thleng palh ta mai se, Damdawiin a dah ngai, thihna ruang chhuah-pui ngai tein kan awm thulhah chutianga min buaipui tur chuan kan awmna khua nula tlangval, nu leh pate ka tibuai

ngam angem? A hranpaa va pun/sawm ngai lova kan koh kal theihna tha ber chu hei hi a ni.

Kan awmna khua/Vengah hian chhiat ni that ni ah hian lan hram hram tum thin ila. That ni te hi chu kal vak lo mah ila, a la ziaawm. Veng chhunga chhiat tawhah hian, Mithi tlai-varpui emaw, YMA, YLA, MTP (Mara Thyutlia Py) tlawm ngai pawlte hun chhungah tal hian lang thin ila, YMA, YLA, MTP hminga hnatlan leh thiltihho nikhua te hian tel thin ila, mikhual kan lo nih pawhin, miten min en dan a dang daih thin a ni.

Nula tlangval leh nu leh pa tam tak, mikhual cham rei kan tih ang chi a, mi khua a va awm, sorkar hnathawk emaw, hnathawh neia awm emaw, lehkhazira awm tam tak te hi kan va mikhualna khua/vengah hian chhiat ni a kal tum miah lo hi an awm nual a nia.

Khawhar ina i kal fo thin a, Thlan laihnaa i kal fo chuan veng chhung hruaitute hriat i hlawh anga, i chungah chhiat that lo tawk la, a hrana koh kal an ngai lovang. Chuti ni lova **“ka hman lo”** i tih zel chuan, heng harsat mangan buaina ka sawi zawng zawngah hian **“KA HMAN LO”** an tih san ve palh ang che.

Fak tlak chu infak zel tur. Thih hnua infak chu kan fakate khan an hre tawh ngai lo. Kan Kohhrana Pastor leh rawngbawltu chin hi chuan heng kan sawi hi tih thin a tha. Kan Pastor-te zinga ka fak em em thin chu Pastor H. Lalfakzuala hi a ni.

Ani hi a awmna khua apiangah khawhar in kal leh mitthi tlaivar pui ngaiyah pawh tlaivar ve zel thin a ni. Aizawla

a awm lai pawh khan, an vengchhunga mitthi inah kalin, hun remchang a hmuh fuh chuan Pathian thu a sawi fo thin. Entawn tlak a ni.

Khawhar in a in kalin thusawi thin rawh u ka tihna a ni lo, Khawhar in kal avanga thusawi ve phet tum pawh a ni chuang lo. Kan sawina chi a nih chuan sawi erawh a tha. Chhiat ni that nia khawtlanga inhman hi kan Constitution-in min khap lo tih hriat tur a ni. Vengchhung mite min hriat theihna kawng awlsam ber a nih avangin, khawhar in kal te, khawtlang thiltiha kan tel vena awm chinah chuan tlan-chhiat loh hi veng chhung mipui hnena kan in Advertise-na tha tak a ni.

Veng a lo len deuhva, kohhran liana kan awm lo a nih pheih chuan, mi hriat hlawh hi har deuh mai a nia. Kohhran te reuh-te pawh ni mah ila, kan sawi tak ang khian kan awm chuan, mi hriat hlawh loh theih a ni lo. Tlangtina Thalai leh nu leh pate ka chah duh che u a ni ■

**KUM 2022 - 2023 BUDGET CHHUNLUH DAN**

Church of God (Seventh Day) Mizoram Conference hi Budget system-a a kalna kum riatna kan hmang leh òan mek a. Budget pharh vawi sarihna (April 2022 – March 2023 chhunga Target kan intukte leh sum hmuhna tura beiseina kan siamte aòanga sum kan hmuh dan rawn tarlan a ni.

Circle aòanga mahni Target tlin Circle pali an awm laiin Circle panga laiin an tlin ta lova, tun Budget kal lai mek hi chu tlin òhe tumin hma la tlang ila a òha khawp ang. Target kan tlin loh hian kan sum neihsain a tuar mai baka hman chhuah theih tura duan sa ang hman tur kan neih loh phah òhin a, Circle tinte kan Target òhe tlin ngei tura òan lak a ngai a ni.

<b>Circle</b>	<b>Target</b>	<b>Tlin zat</b>
1. Aizawl Circle	16,00,000.00	16,00,385.00
2. Mamit Circle	3,50,000.00	357,170.00
3. Champhai Circle	300,000.00	250,000.00
4. Khawzawl Circle	300,000.00	250,000.00
5. Lunglei Circle	300,000.00	301,000.00
6. Chawngte Circle	500,000.00	500,000.00
7. Siaha Circle	300,000.00	140,000.00
8. Siata Circle	300,000.00	130,000.00
9. Phawngpui Circle	300,000.00	130,000.00
10. Workers 1/10	280,000.00	259,620.00
11. MPKTP	20,000.00	20,000.00
12. MPKHP	20,000.00	*40,000.00
13. Chanchinbu man hmuh	20,000.00	6,230.00
14. Lehkhabu hralhna	10,000.00	23,930.00
15. Grape tui hralhna	20,000.00	18,850.00
16. Calendar hralhna	10,000.00	4,350.00
<b>TOTAL</b>	<b>₹ 46,30,000.00</b>	<b>₹ 40,31,535.00</b>

\*MPKHP hian kum hmasaa mi nen an pe.

**Kum 2022 April atanga March 2023 chhunga sum hmannate**

	<u>Sum hmanna tlangpuite</u>	<u>Hman zat</u>
1	Thawktu hlawh atana hman zat	2,718,260.00
2	1) T/E	84,580.00
	2) Transfer T/E	116,000.00
3	House Rent	331,000.00
4	Exe. Committee T/E	112,790.00
5	Bill chi hrang hrang atan a sen	33,252.00
6	Office Misc leh Court fee	207,630.00
7	Chanchinbu chhutna man	43,500.00
8	1) Zirlaibu chhutna	100,880.00
	2) Dan Bu chhutna	24,500.00
9	Damlo tanpui leh kanna	11,150.00
10	Sponsorship	99,250.00
11	Retreat senso	10,820.00
12	Chairman qtr bungraw dah tur leina	58,450.00
13	Pawl dang nena Inkawmna senso	2,900.00
14	Kohhran building chei thahna	55,640.00
15	Biak In sak tanpuina	270,000.00
16	MPKTP Almerah leina	6,000.00
17	Bible Calendar chhuttrirna	17,700.00
18	Grape tui chah thlenna	31,170.00
	<b>Total</b>	<b>4,331,472.00</b>



‘Shofar’ tih hi Hebrai ṭawng ‘Berampa Ki’ tihna a ni a. ‘Tawtawrawt’ atan hman ṭhin a ni. Bible-ah hamrik tur sawi a nihin ‘Shofar’ hi kawhmmuh an ni ṭhin. Genesis – Thupuan inkarah vawi eng nge maw zat a lang a. Bible – a kan hmuhna hmasa ber pawh Exodus 19:13;16 a ni.

Bible-ah Shofar (tawtawrawt) hi sawi lan a nih reng rengin Pathian leh a mite ink<sup>^</sup>rah thil thleng pawimawh tak kan hmu thei ṭhin. Thupek sawm leh Inkaihhraina Dan LALPAN a pekna hmunah te (Ex. 19:16), Thla tharah te (Num.10:10), LALPA hunbi ruat bik Inkhawmpui Thiang-hlimah te (Lev. 25:9), Hmelma hnehna hmunah te (Jos. 6:20), Hlimna hmunahte (II Sam. 6:15) Shofar hian hmun pawimawh a chang ṭhin a ni.

Chutiang zelin, indo thupanna leh inalring tura inhriattirna atan te Shofar hi ham a ni ṭhin a. (Jer.6:1) A ri ring tak chuan buaina leh indona thleng tur pawh a um bo thei hial a ni. (II Sam.2:29) Rorelna lo thleng tur hrilllawktu atan te (Eze. 33:3-6), Lalpa lo kalna hriattirtu (Joel 2:1) atante hman

a ni bawh.

Lal Yeshuan a lo kal leh hunathil awm dan tur a sawiin Tawtawrawt ri nasa tak hriat a nih t<r thu a sawi a (Mt. 24:31) Chu chu Tirhkoh Paula pawhin a sawi zui ve bawh a ni (I Cor. 15:51-52); Pathian Lalram thlen famkimna – hnehna ni ropui tak lo thleng tur pawh Shofar ri thawm hi a hmahruaitu a ni dawn niin a lang (Thup. 11:15).

Kohhran kaltlanga Pathian inpuannate chu ‘Shofar Chanchinbu’ hian a auchhuahpui zel ang a. A hretute leh hmutute t<sup>^</sup>n mit warna; Pathian thutak hriat chianna tur; Sual dona hmanrua, buaina chinfelna; Kohhran Aw ri ring tak hriatna hmanrua a nih ngei theih nan leh Pathianin a mite min hriattir duh apiang tarlana a awm zel theih nan Lalpan Shofar Chanchinbu hi malsawm mawlh rawh se.